

01 January. 2026

समे .18:15 Hrs

<><><><><><>

### Headlines

- केंद्र सरकारै 4 नमीं श्रम संहिताएं लेई नियमें दा मसौदा जारी करदे होई सरबंधत धड़ें थमां ऐतराज ते सुझाऽ बी मंगे ना।
- पुंछ जिले च पाकिस्तानी ड्रोन आसेआ कब्जा रेखा दे इत्त बक्खी सुट्टे गेदे आई.ई.डी, असलाहू ते नशीले पदार्थ बरामद करी लैते गे ना।
- सेहत मंत्री सकीना इत्तू होरें प्रदेश दे सेहत इदारें च साफ-सफाई, आली स्थिति च व्यापक सुधारें दी जरूरतै पर जोर पाया ऐ।
- मंत्री सतीश शर्मा होरें आखेआ ऐ जे रोजगार दे मौके पैदा करने ते इलाकाई विकास लेई इक तगड़ा सैलसफा ढांचा अत्त लाजमी ऐ।
- मुख् सचिव अटल डुल्लू होरें जम्मू-कश्मीर च होमस्टे आली बवस्था ते सवामित्व आधारित पैहलकदमिं लेई ढांचे दा जायजा लैता ऐ।

<><><><><><>

### Labour Codes Public

केंद्र सरकार नै 4 नमीं श्रम संहिताएं लेई नियमें दा मसौदा जारी करी दिता ऐ। इ'नें संहिताएं च उजरत सरबन्धी संहिता-2019, औद्योगिक सरबन्धें आली संहिता-2020, समाजी सुरक्षा सरबन्धी संहिता-2020 ते कम्मकाज आली थाहें पर सुरक्षा, सेहत ते खरे हालात सरबन्धी संहिता-2020 शामिल ना। इ'नें संहिताएं च गिग वर्कर सने श्रमिकें, उजरत, रोजार दी किस्म, गैच्युटी, बोनस ते समाजी सुरक्षा गी परिभाशत कीता गेदा ऐ। इ'नें मसौदा नियमें पर 45एं दे अंदर सबबै सरबन्धत धड़ें अपने ऐतराज ते सुझाऽ दर्ज करोआई सकदे ना। श्रम मंत्रालय नै देशै च दहाकें थमां चला करदे श्रम कनूनें गी सौक्खा ते बवस्थित बनाने लेई पिच्छले ब'रे 21 नवंबर गी इ'नें 4 नमीं श्रम संहिताएं गी लागू करने दा ऐलान कीता हा। एहू नमियां श्रम संहिता देशै दे कार्यबल लेई बेहतर मंजूरी, सुरक्षा, समाजी सुरक्षा ते कल्याण यकीनी बनाडन।

<><><><><><>

### Pak Drone

पुंछ जिले च कब्जा रेखा दे पारा थमां इक पाकिस्तानी ड्रोन नै इस बक्खी आइयै संदिग्ध विस्फोटक सामग्री, थेआर-असलाहू ते नशीले पदार्थ भारती इलाके च सुट्टे जेहदे मगरा सुरक्षाबलें आसेआ ओकड़े इलाके च बड्डे स्तर पर तपाशी अभियान चलाया गेआ। अधिकारिक सूत्रें मूजब, पाकिस्तान आहली बक्खी दा आए दा इक ड्रोन

गुलपुर सैक्टर च रंगड़ नाला, खारी रोक र ग्रांड च दाखल होआ ते 5 मिनटें शा मते चिरै धोड़ी उत्थे रूकने परैंत वापस कब्जा रेखा दे पार चली गेआ। इस घुसपैठ दे दरान ड्रोन नै इक आई.ई.डी, असलाहू ते नशीले पदार्थ भारती इलाके च सुट्टे। पाकिस्तानी ड्रोन दी घुसपैठ दा पता लगदे गै भारती फौज ते जम्मू-कश्मीर पुलसै पूरे इलाके च घेराबंदी ते तपाशी अभियान शुरू करी दित्ता तां जे ड्रोन आसेआ इस बक्खी सुट्टी गेदी चीजें दा पता लाइयै आतंकी योजनाएं गी नाकाम कीता जाई सकै।

<><><><><><>

### Itoo Sanitation

सेहत ते डॉक्टरी शिक्षा विभाग दिएं मंत्री सकीना इत्तू होरें प्रदेश दे सभनें सरकारी मेडिकल कालेजें, जिला अस्पतालें, उप जिला अस्पतालें ते होरनें सेहत इदारे च साफ-सफाई आले हीलें गी पूरी चाल्ली तगड़ा बनाने दी जरूरतै पर जोर पांदे होई आखेआ ऐ जे मरीजें गी म्यारी सेहत स्थूलतां हासल करोआने लेई साफ-सफाई अत्त लाजमी ऐ। इस सरबंध्यै च लाई गेदी इक उच्ची सतह दी बैठक दी प्रधानता करदे होई मंत्री होरें अस्पतालें च गंदगी गी दना बर्दाश्त नेई करने दी नीति अपनाने दी जरूरतै पर जोर पाया ते प्रिंसिपलें ते मेडिकल सुपरिंटेंडेंटें गी निर्देश दित्ता जे ओहू साफ-सफाई सरबन्धी नियमें दी सख्ती नै पालमा यकीनी बनान ते हर स्तरै पर जोआबदेही यकीनी बनान।

<><><><><><>

### Police-Action Kishtwar

किश्तवाड़ दे एसएसपी नरेश सिंह होरें आखेआ ऐ जे ब'रे 2025 च आतंकवाद, नशा तस्करें ते गैर कनूनी तौर पर खान्ना कडुनें आहलें दे खलाफ बड्डी ते सख्त कारवाइयां कीतिआं गेइयां न। आकाशवाणी समाचार कन्नै बशेश गल्लबात च एसएसपी होरें दस्सेआ जे जिला पुलसै अपराध ते असमाजी तत्वे गी बिंद कर्दाश्त नेई करने दी नीति अपनाई दी ऐ। उ'नें आखेआ जे पुलस बल म्हेशां सौहार्द-सतर्क न ते लोकें दे जान-माल दी हिफाजत लेई सख्त सुरक्षा हीले लगातार कीते जंदे रौहडन। जिले दे बसनीकें गी नमें ब'रे दिआं ममारखां दिंदे होई एसएसपी होरें उ'नेंगी एहू गुजारश बी कीती जे ओहू राश्ट्र बरोधी गतिविधिएं ते अपराधें थमां दूर रौडन। उ'नें आखेआ

<><><><><><>

### Year End Reforms

ब'रे 2025 तगर आलमी सतह पर भारत गी लेइयै दुनिया दी सोच च बड़े बड़े ते सकारात्मक बदलाव आई गेदे न। हुन सोआल एहू नेई ऐ जे भारत अगगे बधग जां नेई सगुआं एहू ऐ जे किन्नी तौले ते किन्ना अगगे बधग। यक्को-तक्की ते नीतिएं च लगातार आवा करदे बदलावें आली इस दुनिया च भारत नै लगातार नमिएं आसें-तांगें दे कन्नै अगगे बधने करी इक बक्खरी थाह हासल करी लैती दी ऐ। माली इदारे, बक्ख-बक्ख धड़ें दी शमूलियत आले मंचें, सामरिक महत्व आले केंद्रें ते आलमी सतह दी मीडिया च बी भारत गी इक ऐसे मुख दे तौर पर दिक्खेआ जा'रदा ऐ जेहड़ा लम्मी अवधि आली योजनाएं गी लेइयै चला करदा ऐ ते विजन रौला पाए दे। चुपचाप बड़े नतीजे बी

हासल करा'रदा ऐ। विश्व बैंक दे अलावा एशिया पावर इंडेक्स ते एसएण्डपी ग्लोबी ज्नेही संस्थाएं बी भारत दी विकास जात्तरा ते उपलब्धिएं दी तस्दीक कीती ऐ।

<><><><><><>

### Satish Winter Tourism

खेडू मंत्री सतीश शर्मा होरें आखेआ ऐ जे स्याले सैलसफा, सांस्कृतिक धरोहर ते खेडू कन्नै जुडी दी गतिविधिएं दी रोजगार दे मौके पैदा करने, क्षेत्रीय विकास ते नौजवानें गी सकारात्मक गतिविधिएं कन्नै जोड़ने दी सरकार दी रणनीति च मुख्क थाह् ऐ। मंत्री होर 2 ध्याड़े दे पत्नीटॉप-सनासर विंटर कार्निवल-2025 दे समापन कार्यक्रम च बोला'रदे हे। पर्यटकें दे खरे-मते रश ते मकामी लोकें दी जिंदादिली कन्नै शमूलियत सने कार्निवल नै जम्मू-कश्मीर च सैलसफा दे बाद्दे मकाम गी दर्शाया ऐ। मंत्री होरें आखेआ जे पत्नीटॉप ते सनासर जम्मू खित्ते दे स्याले दे सैलसफे दे 2 मुख्क केंद्रें दे तौर पर उभरा'रदे न। संवाददाताएं कन्नै गल्लबात करदे होई सतीश शर्मा होरें आखेआ

<><><><><><>

### CS-Homestays

सैलसफा कन्नै जुड़े दे रोजगार दे बाद्दे ते ग्राएं थाहें च संस्थानिक दोआर तोड़ी पुज्ज बदाने दे मकसद कन्नै मुख्क सचिव अटल डुल्लू होरें अज्ज इक तफसीली खाका तैयार करने गी मंजूरी दित्ती ऐ जेदे तैहत होमस्टे ते स्वामित्व कार्ड राएं लोकें दी सुविधा पूरे जम्मू-कश्मीर च दित्ती जाह्ग। इस पहल दा तफसीली आंकलन करदे होई मुख्क सचिव होरें जम्मू-कश्मीर बैंक गी समुदाय आधारित सैलसफा गी सहयोग देने ते होमस्टे आस्तै लोन असानी कन्नै उपलब्ध कराने आस्तै आखेआ।

<><><><><><>

### New Year Samba

नमे ब'रे दे पैहले दिन ज्हारें बददे श्रद्धालुएं बावे आहली माता दे मंदिर च मत्था टेकेआ। कड़ाके दी ठंड च लम्बी रींगें च खड़ोइयै श्रद्धालुएं माता रानी दे जयकारे लाए। साल दे पैहले दिन माता रानी कोल आशीर्वाद लैने आहलें दे जन सैलाब नै मंदर च रौनकां बदाई दित्तियां। तोआई, साम्बा च चीची माता दे मंदिर च श्रद्धालुएं दा रश दिक्खने गी लब्बा। बच्चें ते परिवार सने आए दे श्रद्धालुएं माता रानी कोला नमे साल च शुभ मंगल कम्में दा आशीर्वाद प्राप्त कीता। मंदर च आई दी इक श्रद्धालु रोहिणी शर्मा होरें इस मौके आखेआ

<><><><><><>

### Bangladesh-National

सीमा सुरक्षा बल नै जम्मू जिले दे गजनसू थाह् च अंतरराष्ट्री सीमा दे कोल हिरासतै च लैते गेदे 1 बांग्लादेशी नागरिक गी जम्मू-कश्मीर पुलस दे हवाले कीता ऐ। सीमा पर रूटीन चौकसी बरतदे होई बीएसएफ कर्मिं इस बांग्लादेशी नागरिक गी फगड़ेआ ते बाचा कानाचक्क पुलस सूअेशन च पौने आली सीमा पुलस पोस्ट च पेश कीता गेआ। पुलस नै हिरासत च लैते गेदे बांग्लादेशी नागरिक दी पंछान शरीफुल इस्लाम भुईया पुत्र मोजिबुल इक भुइया, उम्र 19 बरे दे तौर पर कीती गेई ऐ जेड़ा बांग्लादेश दे कोमिला जिला दे अद्रा थाह् दा रौहने आहला ऐ।

शुरूआती कार्रवाई पूरी करने दे परेंत, बीएसएफ नै बांग्लादेशी बसनीक गी अग्गे दी कनूनी कार्रवाई आस्तै  
पुलस गी सौंपी दित्ता ऐ। अग्गे दी जांच जारी ऐ।

<><><><><><>